

श्री विमलनाथ-जिन पूजा
Srī Vimalanātha-Jina Pūjā

सहस्रार-दिवि त्यागि, नगर-कम्पिला जनम लिय |
कृत-वर्मा-नृप-नंद, मातु-जयश्यामा धर्मप्रिय |
तीन लोक वर-नंद, विमल-जिन विमल विमलकर |
थापूं चरन-सरोज, जजन के हेतु भाव धर ||

ॐ ह्रीं श्री विमलनाथजिनेन्द्र! अत्र अवतरत अवतरत संवौषट्! (आह्वाननम्)

ॐ ह्रीं श्री विमलनाथजिनेन्द्र! अत्र तिष्ठत तिष्ठत ठः ठः! (स्थापनम्)

ॐ ह्रीं श्री विमलनाथजिनेन्द्र! अत्र मम सन्निहितो भवत भवत वषट्! (सन्निधिकरणम्)

Sahasrāra-divi tyāgi, nagara-kampilā janama liya |
Kṛta-varmā-nṛpa-nanda, mātu-jayashyāmā dharmapriya |
Tīna lōka vara-nanda, vimala-jina vimala vimalakara |
Thāpūṁ carana-sarōja, jajana kē hētu bhāva dhara ||

Ōṁ hrīm śrī vimalanāthajinēndra! Atra avatarata avatarata sanvausaṭ! (āhvānanam)

Ōṁ hrīm śrī vimalanāthajinēndra! Atra tiṣṭhata tiṣṭhata ṭha: tha:!(Sthāpanam)

Ōṁ hrīm śrī vimalanāthajinēndra! Atra mama sannihitō bhavata bhavata vaṣaṭ (sannidhikaraṇam)

(सोरठा छन्द)

कंचन-झारी धारि, पदम-द्रह को नीर ले |
तृषा-रोग निरवारि, विमल विमल-गुन पूजिये।।

ॐ ह्रीं श्री विमलनाथजिनेन्द्राय जन्म-जरा-मृत्यु-विनाशनाय जलं निर्वपामीति स्वाहा ।१।

(Sōraṭhā chanda)

Kañcana-jhārī dhāri, padama-draha kō nīra lē |
Tṛṣā-rōga niravāri, vimala vimala-guna pūjijyē ||

Ōṁ hrīm śrī vimalanāthajinēndrāya janma-jarā-mṛtyu-vināśanāya jalam nirvapāmīti svāhā |1|

मलयागिर करपूर, देव-वल्लभा-संग घसि |
हरि मिथ्यातम-भूर, विमल-विमल-गुन जजत हूँ ||

ॐ ह्रीं श्री विमलनाथजिनेन्द्राय संसारताप-विनाशनाय चंदनं निर्वपामीति स्वाहा ।२।

Malayāgira karapūra, dēva-vallabhā-saṅga ghasi |
Hari mithyātama-bhūra, vimala-vimala-guna jajata hūṁ ||

Ōṁ hrīm śrī vimalanāthajinēndrāya sansāratāpa-vināśanāya candanam nirvapāmīti svāhā |2|

बासमती सुखदास, स्वेत निशपति को हँसे |
पूरे वाँछित आस, विमल विमल-गुन जजत ही ||

ॐ ह्रीं श्री विमलनाथजिनेन्द्राय अक्षयपद-प्राप्तये अक्षतान् निर्वपामीति स्वाहा ।३।

Bāsamañi sukhadāsa, svēta niśapati kō hañse |

Pūrē vāmñchita āsa, vimala vimala-guna jajata hī ||

Ōm hrīm śrī vimalanāthajinēndrāya akṣayapada-prāptayē akṣatān nirvapāmīti svāhā |3|

पारिजात मंदार, संतानक सुरतरु-जनित |

जजूं सुमन भरि-थार, विमल-विमल-गुन मदनहर ||

ॐ ह्रीं श्री विमलनाथजिनेन्द्राय कामवाण- विध्वंसनाय पुष्पं निर्वपामीति स्वाहा ।४।

Pārijāta mandāra, santānaka surataru-janīta |

Jajūm sumana bhari-thāra, vimala-vimala-guna madanahara ||

Ōm hrīm śrī vimalanāthajinēndrāya kāmabāṇa- vidhvansanāya puṣpaṁ nirvapāmīti svāhā |4|

नव्य गव्य रसपूर, सुवरण-थाल भराय के |

छुधा-वेदनी चूर, जजूं विमल-पद विमल-गुन ||

ॐ ह्रीं श्री विमलनाथजिनेन्द्राय क्षुधारोग-विनाशनाय नैवेद्यं निर्वपामीति स्वाहा ।५।

Navya gavya rasapūra, suvaraṇa-thāla bharāya kē |

Chudhā-vēdanī cūra, jajūm vimala-pada vimala-guna ||

Ōm hrīm śrī vimalanāthajinēndrāya kṣudhārōga-vināśanāya naivēdyam nirvapāmīti svāhā |5|

माणिक-दीप अखंड, गो छाई वर गो दशों |

हरो मोहतम-चंड, विमल-विमल-मति के धनी ||

ॐ ह्रीं श्री विमलनाथजिनेन्द्राय मोहांधकार-विनाशनाय दीपं निर्वपामीति स्वाहा ।६।

Māñika-dīpa akhaṇḍa, gō chāi vara gō daśōm |

Harō mōhatama-caṇḍa, vimala-vimala-mati kē dhanī ||

Ōm hrīm śrī vimalanāthajinēndrāya mōhāndhakāra-vināśanāya dīpaṁ nirvapāmīti svāhā |6|

अगुरु तगर घनसार, देवदारु कर चूर वर |

खेऊं वसु-अरि जार, विमल विमल-पद-पद्म-ढिंग ||

ॐ ह्रीं श्री विमलनाथजिनेन्द्राय अष्टकर्म-दहनाय धूपं निर्वपामीति स्वाहा ।७।

Aguru tagara ghanasāra, dēvadāru kara cūra vara |

Khēūm vasu-ari jāra, vimala vimala-pada-padma-ḍhiṅga ||

Ōm hrīm śrī vimalanāthajinēndrāya aṣṭakarma-dahanāya dhūpaṁ nirvapāmīti svāhā |7|

श्रीफल सेब अनार, मधुर रसीले पावने |

जजूं विमल-पद सार, विघ्न हरे शिवफल करे ||

ॐ ह्रीं श्री विमलनाथजिनेन्द्राय मोक्षफल-प्राप्तये फलं निर्वपामीति स्वाहा ।८।

Śrīphala sēba anāra, madhura rasīlē pāvanē |

Jajūm vimala-pada sāra, vighna harē śivaphala karē ||

आठों दरब संवार, मन-सुखदायक पावने ।

जजूं अरघ भर थार, विमल विमल-शिवतिय-रमण ॥

ॐ ह्रीं श्री विमलनाथजिनेन्द्राय अनर्घ्यपद-प्राप्तये अर्घ्यं निर्वपामीति स्वाहा ।९।

Āṭhōm daraba sanvāra, mana-sukhadāyaka pāvanē |

Jajūm aragha bhara thāra, vimala vimala-śivatiya-ramaṇa ||

Ōm hrīm śrī vimalanāthajinēndrāya anarghyapada-prāptayē arghyaṁ nirvapāmīti svāhā |9|

पंचकल्याणक अर्घ्यावली

Pañcakalyāṇaka arghyāvalī

(छन्द द्रुतविलम्बित तथा सुन्दरी-वर्ण १२)

गरभ जेठ-बदी-दसमी भनो, परम-पावन सो दिन शोभनो ।

करत सेव सची जननी-तणी, हम जजें पद-पद्म शिरोमणी ॥

ॐ ह्रीं ज्येष्ठकृष्ण-दशम्यां गर्भमंगल-प्राप्तये श्रीविमलनाथ जिनेन्द्राय अर्घ्यं निर्वपामीति स्वाहा ।१।

(chanda drutavilambita tathā sundaṛī-varṇa 12)

Garabha jēṭha-badī-dasamī bhanō, parama-pāvana sō dina śōbhanō |

Karata sēva sacī janani-taṇī, hama jajēm pada-padma śirōmaṇī ||

Ōm hrīm jyēṣṭhakṛṣṇa-daśamyām garbhamaṅgala-prāptāya śrīvimalanātha jinēndrāya arghyaṁ
nirvapāmīti svāhā |1|

शुकल-माघ-तुरी तिथि जानिये, जनम-मंगल ता दिन मानिये ।

हरि तबै गिरिराज-विषै जजे, हम समर्चत आनंद को सजे ॥

ॐ ह्रीं माघशुक्ल-चतुर्थ्यां जन्ममंगल-प्राप्तये श्रीविमलनाथ जिनेन्द्राय अर्घ्यं निर्वपामीति स्वाहा ।२।

Śukala-māgha-turī tithi jāniyē, janama-maṅgala tā dina māniyē |

Hari tabai girirāja-viṣai jajē, hama samarcata ānanda kō sajē ||

Ōm hrīm māghaśukla-caturthyām janmamaṅgala-prāptāya śrīvimalanātha jinēndrāya arghyaṁ
nirvapāmīti svāhā |2|

तप धरे सित-माघ-तुरी भली, निज-सुधातम ध्यावत हैं रली ।

हरि फनेश नरेश जजें तहाँ, हम जजें नित आनंद सों इहाँ ॥

ॐ ह्रीं माघशुक्ल-चतुर्थ्यां तपोमंगल-प्राप्तये श्रीविमलनाथ जिनेन्द्राय अर्घ्यं निर्वपामीति स्वाहा ।३।

Tapa dharē sita-māgha-turī bhalī, nija-sudhātama dhyāvata hairṁ ralī |

Hari phanēśa narēśa jajēm tahāmī, hama jajēm nita ānanda sōm ihāmī ||

Ōm hrīm māghaśukla-caturthyām tapōmaṅgala-prāptāya śrīvimala nātha jinēndrāya arghyaṁ

विमल-माघ-रसी हनि घातिया, विमलबोध लयो सब भासिया |

विमल अर्घ चढ़ाय जजूं अबै, विमल-आनंद देहु हमें सबै ||

ॐ ह्रीं माघशुक्ल-षष्ठ्यां केवलज्ञान-प्राप्तय श्रीविमलनाथ जिनेन्द्राय अर्घ्यं निर्वपामीति स्वाहा ।४।

Vimala-māgha-rasī hani ghātiyā, vimalabōdha layō saba bhāsiyā |

Vimala argha caṛhāya jajōm abai, vimala-ānanda dēhu hamēm sabai ||

Om hrīm māghasūkla-ṣaṣṭhyām kēvalajñāna-prāptāya śrīvimalanātha jinēndrāya arghyam nirvapāmīti
svāhā. |4|

भ्रमरसाढ़-छती अति-पावनो, विमल सिद्ध भये मन-भावनो |

गिर-समेद हरी तित पूजिया, हम जजें इत हर्ष धरें हिया ||

ॐ ह्रीं आषाढकृष्ण-षष्ठ्यां मोक्षमंगल-प्राप्तय श्रीविमलनाथ जिनेन्द्राय अर्घ्यं निर्वपामीति स्वाहा ५।

Bhramarasāṛha-chaṭī ati-pāvanō, vimala sid'dha bhayē mana-bhāvanō |

Gira-samēda harī tita pūjiyā, hama jajer̄ ita harṣa dhareṁ hiyā ||

Om hrīm āṣāṛhakṛṣṇa-ṣaṣṭhyām mōkṣamaṅgala-prāptāya śrīvimala nātha jinēndrāya arghyam
nirvapāmīti svāhā |5|

जयमाला

Jayamālā

(दोहा)

गहन चहत उड़गन गगन, छिति-तिथि के छहँ जेम |

तिमि गुन-वरनन-वरनन-माँहि होय तव केम |१|

(dōhā)

Gahana cahata uṛagana gagana, chiti-tīthi kē chahaṁ jēma |

Timi guna-varanana-varanana-māñhi hōya tava kēma |1|

साठ-धनुष तन-तुंग है, हेम-वरन अभिराम |

वर वराह-पद अंक लखि, पुनि पुनि करूं प्रणाम |२|

Sāṭha-dhanuṣa tana-tuṅga hai, hēma-varana abhirāma |

Vara varāha-pada aṅka lakhi, puni puni karūṁ praṇāma |2|

(छन्द तोटक-वर्ण १२)

जय केवलब्रह्म अनंतगुनी, तुम ध्यावत शेष-महेश-मुनी |

परमातम पूरन पाप हनी, चित-चित्त-दायक इष्ट-धनी |३|

(Chanda tōṭaka-varṇa 12)

Jaya kēvalabrahma anantagunī, tuma dhyāvata śēṣa-mahēśa-munī |
Paramātama pūrana pāpa hanī, cita-cintata-dāyaka iṣṭa-dhanī |3|

भव-आतप-ध्वसन इंदुकरं, वर सार रसायन शर्मभरं |
सब जन्म-जरा-मृतु दाहहरं, शरनागत-पालन नाथ वरं |४|

Bhava-ātapa-dhvasana indukaraṁ, vara sāra rasāyana śarmabharaṁ |
Saba janma-jarā-mṛtu dāhaharaṁ, śaranāgata-pālana nātha varaṁ |4|

नित संत तुम्हें इन नामनि-तें, चित-चिन्तत हैं गुनमाननि तें |
अमलं अचलं अटलं अतुलं, अरलं अछलं अथलं अकुलं |५|

Nita santa tumhēm ina nāmani-terṁ, cita-cintata hairṁ gunamānani terṁ |
Amalaṁ acalaṁ aṭalaṁ atulaṁ, aralaṁ achalaṁ athalaṁ akulaṁ |5|

अजरं अमरं अहरं अडरं, अपरं अभरं अशरं अनरं |
अमलीन अछीन अरीन हने, अमतं अगतं अरतं अघने |६|

Ajaraṁ amaraṁ aharaṁ aḍaraṁ, अपaraṁ abharaṁ aśaraṁ anaraṁ |
Amalīna achīna arīna hanē, amataṁ agataṁ arataṁ aghane |6|

अछुधा अतृषा अभयातम हो, अमदा अगदा अवदातम हो |
अविरुद्ध अक्रुद्ध अमनाधुना, अतलं असलं अन-अंत गुना |७|

Achudhā atṛṣā abhayātama hō, amadā agadā avadātama hō |
Avirud'dha akrud'dha amanādhunā, atalaṁ asalaṁ ana-anta gunā |7|

अरसं सरसं अकलं सकलं, अवचं सवचं अमचं सबलं |
इन आदि अनेक-प्रकार सही, तुमको जिन सन्त जपें नित ही |८|

Arasaṁ sarasaṁ akalaṁ sakalaṁ, avacaṁ savacaṁ amacaṁ sabalaṁ |
Ina ādi anēka-prakāra sahī, tumako jina santa japēm nita hī |8|

अब मैं तुमरी शरना पकरी, दुःख दूर करो प्रभुजी हमरी |
हम कष्ट सहे भव-कानन में, कुनिगोद तथा थल आनन में |९|

Aba mairṁ tumarī śaranā pakarī, du:Kha dūra karō prabhujī hamarī |
Hama kaṣṭa sahē bhava-kānana mēm, kunigōda tathā thala ānana mairṁ |9|

तित जामन-मर्न सहे जितने, कहि केम सकें तुम सों तितने |
सुमुहूरत अंतरमाँहिं धरे, छह त्रै त्रय छः छहकाय खरे |१०|

Tita jāmana-marna sahē jītanē, kahi kēma sakēm tuma sōm titanē |
Sumuhūrata antaramāñhīm dharē, chaha trai traya cha: Chahakāya kharē | 10|

छिति वह्नि वयारिक साधरनं, लघु थूल विभेदनि-सों भरनं |
परतेक वनस्पति ग्यार भये, छैः हजार दुवादश-भेद लये | ११|

Chiti vahni vayārika sādharanam, laghu thūla vibhēdani-sōm bharanam |
Paratēka vanaspati gyāra bhayē, chaiḥ hajāra duvādaśa-bhēda layē | 11|

सब द्वै त्रय भू षट् छः सु भया, इक-इन्द्रिय की परजाय लया |
जुग-इन्द्रिय काय असी गहियो, तिय-इन्द्रिय साठनि में रहियो | १२|
Saba dvai traya bhū ṣaṭ cha: Su bhayā, ika-indriya kī parajāya layā |
Juga-indriya kāya asī gahiyō, tiya-indriya sāṭhani mēm rahiyō | 12|

चतुरिन्द्रिय चालिस-देह धरा, पन-इन्द्रिय के चवबीस वरा |
सब ये तन धार तहाँ सहियो, दुःख घोर चितारित जात हियो | १३|
Caturindriya cālisa-dēha dharā, pana-indriya kē cavabīsa varā |
Saba yē tana dhāra tahām sahiyō, du:Kha ghōra citārita jāta hiyō | 13|

अब मो अरदास हिये धरिये, सुखदंद सबै अब ही हरिये |
मनवाँछित कारज सिद्ध करो, सुखसार सबै घर रिद्ध भरो | १४|
Aba mō aradāsa hiyē dhariyē, sukhadanda sabai aba hī hariyē |
Manavāñchita kāraja sid'dha karō, sukhasāra sabai ghara rid'dha bharō | 14|

(घत्ता)

जय विमलजिनेशा, नुतनाकेशा, नागेशा नरईश सदा |
भवताप अशेषा, हरन निशेशा, दाता चिन्तित-शर्म सदा | १५|
ॐ ह्रीं श्रीविमलनाथजिनेन्द्राय जयमाला-पूर्णाध्यायं निर्वपामीति स्वाहा॥

(Ghattā)

Jaya vimalajinēśā, nutanākēśā, nāgēśā narareśa sadā |
Bhavatāpa aśēśā, harana niśēśā, dātā cintita-śarma sadā | 15|
Om hrīm śrīvimalanāthajinēndrāya jayamālā-pūrnāghyaṁ nirvapāmīti svāhā ||

(दोहा)

श्रीमत विमल-जिनेशपद, जो पूजें मन लाय |
पूजें वाँछित आश तसु, में पूजूं गुन गाय ||

(Dōhā)

Srīmata vimala-jinēśapada, jō pūjēṁ mana lāya |
Pūjēṁ vāmchita āśa tasu, maiṁ pūjūṁ guna gāya ||

॥ इत्याशीर्वादः पुष्पांजलिं क्षिपामि ॥

// Ityāśīrvāda: Puṣpāñjalim kṣipāmi //

* * * A * * *

2A10Lotus